

# Imaatigut assartuineq pillugu peqqussummut ilaatinneqassanngitsut ilaat aamma usinik imaatigut assartuinerit ilaannut akuersissuteqartarnissat pillugit Namminersornerullutik Oqartussat nalunaarutaat

Kalaallit Nunaannut, Kalaallit Nunaannit Kalaallit Nunaannilu usinik imaatigut assartuineq pillugu Inatsisartut peqqussutaanni nr. 16-imi, 30. oktober 1992-imeersumi §-it 3 aamma 7 naapertorlugit aalajangersarneqarpoq:

**§ 1.** Imaatigut assartuinerit tulluuttunut Inatsisartut peqqussutaat atuutinngilaq:

- 1) Orsiaat atorlugit nioqqutissianik uuliamit pisunik uuliaasivinnut uuliaasivinniillu pisortanit Kalaallit Niuerfiat Sullissivik A/S-imillu pigineqartunut assartuineq.
- 2) Kalaallit Nunaata iluani usinik assartuineq, Kalaallit Niuerfiat Sullissivik A/S-ip assartuinermit ingerlatsivianit nunaqarfinnut illoqarfinnullu isorliunerusuniittunut pilersuinermit atatillugu ingerlanneqartoq.
- 3) Aalisariutit aalisarnermit inuussutissarsiumminut atatillugu namminneq atugassaminnik assartuinerat, angalanek aalisarnermit inuussutissarsiummut atatillugu allamik siunertaqarpat usinik assartuinerunngitsumik.
- 4) Kalaallit Nunaata iluani illoqarfittut nunaqarfittullu sanaartorfiusimasut avataannut avataanniillu usinik assartuineq, assersuutigalugu tammaarsimaartarfinnik, savaateqarfinnik imaluunniit takornarissanut atortuutit asimiittunik pilersuineq.

**§ 2.** Naalakkersuisut Kalaallit Nunaannut, Kalaallit Nunaannit Kalaallit Nunaannilu usinik imaatigut assartuinermit akuersissummik tunniussisinnapput.

*Imm. 2.* Akuersissummik tunniussisoqassanersoq aalajangiiniarnermi pingartinneqassaaq assartuineq assartuussisumit Inatsisartut peqqussutaanni § 4 imm. 2 naapertorlugu akuersissummik tunineqarsimasunit ingerlanneqarsinnaanersoq annertuumik saniatigut aningaasartuuteqarani kinguaattoorfunngitsumillu.

*Imm. 3.* Qinnuteqaammut isummertoqartinnagu Pisortat Suliassa qarfiutaannut Angallannernullu Naalakkersuiso qarfiup akuersissummik tunineqarsimasut imm. 2-imi taaneqartut oqaaseqaateqaqqusassava.

**§ 3.** Imaatigut assartuiniarluni qinnuteqaat Pisortat Suliassa qarfiutaannut Angallannernullu Naalakkersuiso qarfiunut tunniunneqassaaq angalanissaq ullunik 14-inik sioqqullugu. Qinnuteqaat umiarsuup aqqa, angerlarsimaffia, piginnittui umiarsuaatillillu pillugit paasissutissat saniatigut

angalanissaq pillugu paasissutissanik, tassunga ilanngullugit naatsorsuutigisamik aallarnissaq aamma tikiffissatut piffissaliussat kiisalu usit suuneri, annertussusii, usinik piginnittuusoq aanunalu assartugassap annertussusia pillugit paasissutissanik imaqassaaq.

*Imm. 2.* Piffissamut aalajangersimasumut imaatigut angallassinialluni akuersisummik qinnuteqartoqarpat, qinnuteqaammi ilanngullugit angallavissaq pillugu paasissutissiisoqassaaq.

*Imm. 3.* Imm. 1-imi aalajangersagaq apeqqutaatinagu assartuineq aallartinneqassanngilaq akuersisummik tunniussisoqareertinnagu.

**§ 4.** Assartugassanik piginnittup qinnutigippagu nioqqutissianik annertuunik assigiiaanik imaluunniit nalinginnaanngitsunik angalavinni aalajangersimasumik angallaffissatut akuersissuteqarfioreersumi usinik imaatigut assartuinialluni, qinnuteqaat ilaqartinneqassaaq akuersisummik piginnittuusumit allanillu neqeroorununik inaarutaasumik pituttuisumillu. Neqeroorutitik tunniussineq assigiinunik tunngaveqarluni pissaaq akuersisummillu piginnittoq, paasissutissat pisariqartinneqartut saqqummiunneqareernerini kingusinnerpaamik ullut arfineq-marluk qaangiutsinnagit neqerooruteqassaaq imaluunniit neqerooruteqarniarnerminit tunuaannarluni nalunaaruteqassalluni.

**§ 5.** Usinik imaatigut assartuisinnaanermut akuersissut tunniunneqassaaq Pisortat Suliassa qarfiutaannut Angallannermullu Naalakkersuisoqarfimmit Naalakkersuisut aalajangereernerisigut.

*Imm. 2.* Kalaallit Nunaanni umiarsualivissinnermi akuersissut umiarsuarmiisinneqassaaq umiarsualivimmilu oqartussaasut qinnuteqarnerisigut takutinneqartassalluni.

**§ 6.** Akuersissut utertinneqarsinnaavoq, piginnittuusoq mianersuaalliorujussuarluni arlaleriarluniluunniit usinik imaatigut assartuineq pillugu peqqusummik, peqqussut naapertorlugu aalajangersakkanit imaluunniit akuersisummut piumasaqaatinik unioqqutitsippat.

**§ 7.** Nalunaarut atuutilissaaq 1. april 1993.

*Namminersornerullutik Oqartussat, ulloq 16. marts 1993.*

Kuupik Kleist

/

Jens K. Lyberth

**Namminersorlulik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut